

宋朝事實一



宋朝事實

一



宋 朝 事 實

(一)

李 攸 撰



叢書集成

初編

王 雲 五
主 編 著

商務印書館發行

宋朝事實

本館叢書集成初編
所選聚珍版叢書及
墨海金壺皆收有此
書聚珍本在前故據
以排印

宋朝事實目錄

卷一

祖宗世次

卷二

登極赦

紀元

卷三

詔書

聖學

御製

卷四

郊赦一

卷五

郊赦二

卷六

廟制

卷七

道釋

卷八

玉牒

公主

卷九

官職

勳臣

配享

卷十

宰執拜罷

卷十一

儀注一

卷十二

儀注二

卷十三

儀注三

卷十四

科目

樂律

歷象

卷十五

藉田

財用

卷十六

兵刑

卷十七

削平僭偽

卷十八

陸降州縣一

卷十九

陸降州縣二

卷二十

經略幽燕

臣等謹案宋朝事實宋李攸撰文獻通攷作李伋傳寫誤也攸字好德陳振孫書錄解題稱其官爲承議郎而不詳其里貫惟永樂大典所載江陽譜稱攸于政和初編輯西山圖經九域志等書瀘帥孫羲叟招之書上轉一官張浚入朝約與俱以家事辭攷江陽卽瀘州屬潼川路則攸當爲瀘州人其曰張浚入朝蓋紹興四年浚自川陝宣撫使召還時也其書據江陽譜蓋上起建隆下迄宣和凡六十卷前三十卷先聞于時後以餘三十卷上之以語觸秦檜寢其書不報故晁公武讀書志陳振孫書錄解題但作三十卷與譜相合而趙希弁讀書附志宋史藝文志乃俱作三十五卷今書中有紹興乾道間州縣陞降淳熙紹熙間館職員額及光寧理度四朝神御殿名殆爲後人所附益歟攸熟于掌故經靖康兵燹之後圖籍散佚獨汲汲搜輯舊聞使一代典章粲然具備其用力頗爲勤摯所載歷朝登極南郊大赦詔令太宗親製趙普碑銘西京崇福宮記景靈西宮記大晟樂記往往爲宋文鑑名臣碑傳琬琰集播芳大全文粹諸書所闕漏至其事蹟之異同年月之先後紀載之詳略尤多可與東都事略文獻通攷續通鑑長編及宋史互相參訂又如石晉路契丹十六州分代北山前山後足訂薛歐二家五代史稱山後十六州之誤周世宗兵下三關並載淤口關亦足補薛歐二史祇載瓦橋益津二關之闕當時如江少虞事實類苑錦繡萬花谷多引之宋史亦多採用其文今各書俱存猶可攷見第原本久佚惟散見于永樂大典各韻下者尙存梗概而割裂煩碎莫由攷見

其體例。惟趙希弁讀書附志。具載門目。今以所存者攷之。惟爵邑一門。原本全佚。餘皆可以一一分類編次。謹依舊目。釐爲二十卷。雖未能悉復原書。而綱舉目從。咸歸條貫。亦得其十之七八矣。攸別有通今集二十卷。宋史藝文志入故事類。今佚不傳。又嘗上書秦檜。戒以居寵思危。尤爲侃侃不阿。則其人亦足重。不獨以博洽見長矣。乾隆四十一年十一月恭校上。

總纂官侍讀學士臣陸錫熊

侍講學士臣紀昀

纂修官國子監助教銜臣張義年

宋朝事實卷一

祖宗世次

宋李攸撰

僖祖諱眺

〔原註〕士了切

窳眺眺窳

〔原註〕

大中祥符五年七月真宗謂宰相曰僖祖廟諱本是上聲近見臣僚章疏多避去聲更令兩制詳定異週等謂僖祖諱字從月從兆按說文曰晦而月見西方也音士了切又從肉祭肉也

士了切一作他凋切今請止從平聲又眺目不正也他弔切音義各異望不迴避奉聖旨依〔案〕四祖廟諱南宋以祧廟不避故淳熙重修文書式不載釋文互注韻略亦然攸南宋人猶載嫌名蓋以存故實耳

仕後唐歷永清文安幽

都三縣令十二月七日崩葬欽陵

〔原註〕幽州

建隆元年追尊文獻皇帝

〔案〕元年原本誤作二年今據李燾長編改正

大中祥符五年加上

文獻睿和皇常大觀元年再加上立道肇基積德起功懿文憲武睿和至孝皇帝樂舞大善之舞冬至祀昊天上帝夏至祀皇地祇升侑后崔氏建隆元年追諡文懿翰林學士禮部侍郎竇儼議行見于外曰懿子順祖

順祖諱玘

〔原註〕他鼎切

玘昈低頰町孛孛程程瑱瑨瑨瑨瑨葶閏灑孛鋌鋌仕歷藩鎮從事御史中丞正月

二十五日崩葬康陵

〔原註〕幽州

建隆元年追尊惠元皇帝大中祥符五年加上惠元睿明皇帝樂舞大寧之

舞。上辛祈穀。孟冬祭神州地祇。升侑。后桑氏。建隆元年。追諡惠明。翰林學士禮部侍郎竇儼議。容儀恭美。曰明子翼祖。

翼祖諱敬。

〔原註〕居慶切。

竟鏡。獍。璫。噉。噉。仕。歷。營。薊。涿。三州刺史。周顯德中。贈左驍衛上將軍。四月十二日崩。葬靖

陵。〔原註〕始曰定陵。乾興元年。改卜更陵名。自國初加上四祖陵名。欽陵。康陵。定陵。並幽州。惟安陵。舊在京城東南隅。及改卜葬安陵。後三陵尙未修奉。眞宗卽位。有言順祖葬保州者。詔內侍與長吏同共詢訪。又令中書門下定議。遂迎奉至京師。安于佛寺。景

德元年。將卜改葬。十月降手詔曰。康陵定陵。已經迎奉。將議修崇國。家事祖宗之尊。以園陵爲大。始自開國之際。首行議禮之文。尋建陵名。尙虛神寢。而有司懇拜草表。面述聽聞。有此二陵。尙居清苑。朕以事關宗廟。理合審詳。周詢輔弼之臣。旁采中外之議。而宰相上表。亦曰。素所聞知。輿人之談。皆云。盡有據據。朕以爲更須重慎。宜廣諮詢。至于命中使以經營。委藩侯而訪察。繼觀來奏。執曰。無疑。復俾大臣。再陳定議。遂有迎奉之請。用慰遐邇之情。既觀僉同。因從典禮。選之梵刹。營乃山陵。今則安厝有期。儀制將舉。朕每從餘暇。常閱羣書。因覽太祖實錄。明載二陵所在。又皆不指保州。疑慮之間。夙夜增念。雖朝廷之議。延訪無嫌。而信史之文。標載有異。況陵寢之事。朝廷之儀。舉而行之。無大于此。宜令中書門下與樞密院。同共詳定。聞奏中書門下。樞密院上言。伏以尊崇祖祧。務極孝思。營奉陵園。必尊典制。向者始基玉業。首舉徽章。欲行四廟之儀。尋建諸陵之號。雖未崇于兆域。已備載于冊書。向以職司。連上章表。述其聞見。頗陳懇激之言。詢以宰司。亦有僉同之議。羣論既從。子採納。宸衷過務于審詳。特選使臣。仍委牧守。式資審慎。密往詢求。尋訪之間。皆有依據。數陳之際。頗謂周詳。大臣之奏如初。輿人之誦尤屬。矧重熙之肇啓。當大孝之不承。遂伸迎奉之儀。將行安厝之禮。陛下爰因暇日。徧閱羣書。觀信史之所標。指壘域之有異。誠如聖慮。更切參詳。事繫宗祧。尤宜重慎。臣等共議。其迎到神寢。向期卜葬。卽望權停。所有二陵。伏請量加營繕。務從儉約。倍節煩勞。葬以衣冠。設其園寢。用伸朝拜之禮。以慰尊祖之懷。徐俟詳明。別期遷奉。庶不違于古道。且頗協于人情。狂瞽之言。仰期聖擇。奉詔康陵定陵。宜令藍繼宗罷修。其迎到神寢。遂以一品禮葬於河南縣爲二位。大中祥符四年正月。車駕幸汾陰。次西京。遣

知制誥錢惟演詣一品墳以香幣酒脯祭告每朝拜詣陵日以少牢致祭建隆元年追尊簡恭皇帝大中祥符五年加上簡恭睿德皇帝樂舞大順之

舞〔案〕大順原本誤作大善今據宋史樂志改正大零祀升佑后劉氏父正平州刺史初追封京兆郡太夫人建隆元年追諡簡穆翰

林學士禮部侍郎竇儼議布德執義曰穆子宣祖

宣祖諱弘殷〔原註〕上一字胡牋下一字於斤切政和元年九月二十七日敕宣祖皇帝廟諱下一字民姓有犯者今擬作商字尙恐士庶難曉檢准武王克商封夏后氏之後于杞封殷之後于宋合改殷之字爲商慝灑潑廢礮

灑〔案〕宣祖廟諱上一字嫌名永樂大典原本缺仕晉爲龍捷左廂都指揮使岳州防禦使顯德三年〔案〕宋史宣祖于顯德三年督軍平揚州累官檢校司徒天水縣男卒贈

武清軍節度使原〔原註〕乾德元年改卜皇堂深五十七尺高三十九尺陵臺本作元年今改正贈武清軍節度使七月二十六日崩葬安陵〔原註〕乾德元年改卜皇堂深五十七尺高三十九尺陵臺三層正方下層每面長九十尺南神門至乳臺鶴臺皆九十

五步乳臺高二十五尺鶴臺增四尺神牆高九尺五寸周迴四百六十步各置神門角闕景德初析鞏縣偃師緱氏登封縣地置縣曰永安以奉陵寢三年七月詔曰列聖在天因時永感瞻言陵城肇建官司咨爾朝闕之臣仍兼宰邑之務式嚴崇奉用著典彝宜以殿中丞

黃昭度知陵臺令兼永安縣事置令自此始乾德三年九月太祖命內人安陵送寒衣遂爲定式自是寒食亦往開寶九年三月帝親謁安陵奠獻號勳崇寧元年六月十四日敕中書省尙書省送到兵部二狀荆湖北路轉運司狀據鼎州申契勘本州龍陽有永安驛及永安鋪各與陵名相犯永安驛合行改爲龍潭驛永安鋪改爲龍潭鋪名目申候指揮奉聖旨依如諸處更有如此者並仰一面改正內太

常寺供到陵名下項永安陵永昌陵永熙陵以上係永昌院永定陵係永定院水昭陵永厚陵以上係昭孝禪院永裕陵永泰陵以上係

寧神〔案〕建隆元年追尊昭武皇帝大中祥符五年加上昭武睿聖皇帝樂舞大慶之舞大饗明堂感生赤帝

升佑。〔原註〕國初有司上言國家受周禪。周木德。木生火。皇朝運應火德。色尚赤。臘以戊日。祀赤帝為感生帝。景靈宮天元殿奉安御容。后杜氏父爽贈中書令。周顯德

中封南陽郡太夫人。建隆元年有司請上尊號曰皇太后。〔原註〕有司上言。伏以王者立顯親之殿。所以尊母儀。開長樂之宮。所以伸子道。稽諸歷代。實有彝章。伏惟帝母南陽郡

太夫人象叶陰靈。功深厚載。塗山助夏。道冠于三王。文母興周。名存乎十亂。徽號未正。闕孰甚焉。謹按漢書。帝祖母曰太皇

太后。帝母曰皇太后。陛下膺圖寶始。孝治攸先。宜彰聖惡之祥。式表躍龍之貴。伏請上尊號曰皇太后。詔恭依。未行冊禮。

二年六

月二日崩。諡明憲。太常少卿馮吉議。照臨四方曰明。聖善同達曰憲。乾德二年改諡昭憲。〔原註〕二年改卜安陵。吏部尚書張

昭上言。伏自漢魏以來。追尊帝后。多以兩字為諡。后諡上一字。皆與帝諡上字同。國朝追尊四親廟。自翼祖而上三廟。后諡上一字。並與帝諡同。惟明憲皇后不連昭字。伏請改上尊諡曰昭憲皇后。子太祖太宗。

太祖諱匡胤。〔原註〕上一字去王。切下一字羊音切。筐郎。眶。恆。劬。滙。蹶。蹶。萑。輶。頤。框。閭。匪。迂。軫。鞞。引。剔。釧。輶。酌。鼗。洿。演。

輶。戴。互。杓。螾。榭。後唐天成二年丁亥歲二月十六日。生于西京大內甲馬營。以其日為長春節。仕周為歸

德軍節度使。〔原註〕唐宋州。後唐改為歸德軍。帝由此受命。景德三年。升應天府。大中祥符七年。升南京。殿前都點檢。顯德七年正月四日。受周禪。乾德元年十

一月。上尊號曰應天廣運仁聖文武至德皇帝。開寶元年十一月。加上尊號曰應天廣運聖文神武明道

至德仁孝皇帝。開寶九年十月二十日崩。太平興國二年四月十五日。葬河南府鞏縣永昌陵。〔原註〕宰臣薛居正撰陵

名太祖生于洛陽甲馬營。樂其風土。國初遺營繕宮室。有遷都之志。開寶九年。西幸郊祀。既至而宮殿宿衛者多不安處。宮中或見怪異。又霖雨彌月。芻粟不集。遂東歸。歎曰。朕生不得居此。死當葬于此。還謁安陵。哭奠畢。更衣登闕臺西北向。慷慨涕數行下。發鳴鏑。中其所。曰。我後當葬此。

大中祥符元年歲次戊申十一月戊午朔二十七日甲申孝子嗣皇帝臣某謹再拜稽首上言臣聞長發其祥流芳于商頌克昌厥後播美于周詩慶以積善而綿長祖以有功而不顯純熙之祉烏奕無疆由資始于景靈爰錫羨于來裔是以允升岱社祇薦牲瑄式昭嚴配之儀恭率追崇之典聿隆皇運仰屬玄猷伏惟太祖英武聖文神德皇帝奮武開階膺圖構象神機天縱睿斷颺馳當建極以居尊乃卜年而垂裕靈旗直指革輅親征多壘削平中區大定烝黎以之富壽寰海于是混同禮樂交修梯航畢至倒干戈而弗用肅刑政以惟清推恩雨施于萬方發號風行于四表成功不宰至德無踰時格太平民用丕變盡垂鴻之經制資奕世之宏規遺烈具存信書攸紀臣猥以冲眇逮茲纂承履大寶之尊奉神器之重寤寐思治旰晷忘勞動循燕翼之謀克致治平之化屬兵鋒載戢年穀順成琛寶來庭邊防罷警仰昊穹之敷佑繫宗社之儲休景貺薦臻寶符載錫將伸昭報祇事禋燔而民庶相趨表章狎至願遵時邁固請升中勉徇輿情用成先志靈辰協吉愆祀允修罄誠明之心禱蒼黔之福上封喬嶽既畢于增高歸格太宮敢忘于尊祖粵若應期之康濟創業之艱難底績之基扃歸厚之風化垂于不朽可得而言欽奉威靈重揚徽懿謹遣攝太尉推忠協謀同德佐理功臣金紫光祿大夫工部尚書同中書門下平章事集賢殿

大學士監修國史上柱國太原郡開國公食邑三千七百戶食實封一千八百戶臣王旦奉寶冊謹加上尊諡太祖啓運立極英武睿文神德聖功至明大孝皇帝恭惟本仁觀德宗廟載嚴致孝因心簡冊增耀在天降鑒錫祚有孚眷祐後昆永永無極謹言參知政事馮拯撰樂舞大定之舞冬至祀昊天上帝升佑

〔原註〕景祐二年太常禮院奏准今月三日詔書敕中書門下王者奉宗廟貴功德禮天祀地則有侑神作主之尊審諦合食則有百世不遷之重朕以寡薄獲承天序實賴先烈訖臻治平懼不能揚祖宗之休丕顯懿鑠夙夜惟念弗遑寧居恭以太祖皇帝奮淳耀之精輯樂推之俗五代屯否中華剖裂天威一震罔不率俾夷僭黜暴皇綱再張革其桀鷲納諸軌度規模宏遠詒萬世法太宗皇帝躬上聖之資乃膺繼服來閩粵復汾晉方夏一統尉候萬里興文教拔羣材思皇政經憂勞庶務惠澤漸漬浹人骨髓眞宗皇帝欽明孝熙恢績鴻緒勤儉以率下哀矜以慎刑撫和三邊兵不復用民靡知役物遂其生因時昭泰遠考古章登封巡祭聲明焯耀亭園多載仁恩溥博昔商周之際則長發大禘殿父配天逮於漢氏亦能尊二宗立廟樂朕甚慕之肆我藝祖之受天命建大業可謂有功矣二聖繼統重熙累洽可謂有德矣其令禮官稽按典籍辨崇配之序二祧之位中書門下審加詳闡稱朕意焉故茲詔示想宜知悉奉詔如前臣等言王者建廟祔之殿合昭穆之綴祖一而已始受命也宗無豫數待有德也由宗而變世胄之疏戚以爲迭毀之制使後嗣雖有顯揚喪大猶不得與祖宗並列所以一統古之道也皇帝陛下躬孝治發德音永惟三后之盛烈際天接地而推奉之禮有所未稱明發悼懼圖惟厥衷使攸司得稽舊章開羣議據懿鑠闡孫謀將膺合靈心垂榮無極非臣等孤陋所能及也竊以太祖皇帝誕受寶命付畀四海鋪敦變伐潛黜不端夷澤潄之畔兼淮海之味東焚吳奧右因蜀勳湘楚閩粵請吏入朝當此之時天下之人去久潛蒙更生永年長世丕闡洪業太宗皇帝敦受大業廣運大武聖天之討厝定太原由是審九刑之辟藝四方之貢信賞類能重食勸功官無煩苛人無恫怨又引播紳諸儒講道興學炳然右文與三代同風眞宗皇帝乾粹日照執競惟烈重威撫和休寧北方順紀布度先天作聖遂攷夏諺稽虞巡祕牒岱宗休兵異壤翕受瑞福普浸黎元宵翹蠕動罔有不寧百度已備眷受明辟洪惟一祖二宗之烈歷考墳誥未有高焉者也昔成湯爲

商之祖。漢孝文孝武特崇兩廟。皆子孫奉承不輟。我皇伯祖經綸草昧。遂有天下。功宜爲帝者之祖。皇祖勤勞制作。皇考財成治定。德宜爲帝者之宗。三廟並萬世不遷。宣布天下。以示後世。臣等請如聖詔。至升侑上帝。哀對先烈。本之周道。克厭典禮。昔太宗親郊。奉宣祖太祖配焉。逮眞宗肇祀。奉太祖太宗配焉。自爾有司。不敢輕議。今二宗同躋不祧之位。則禮無異等。伏請自今以往。太祖爲定配。二宗爲迭配。稱情適事。理實無嫌。其將來皇帝親祀。伏請以三祖皆侑上。顯對越之盛。次申遙追之感。聖人之能事。羣臣之大願。此後迭配。還如前議。昔眞宗登介丘。降社首。並以太祖太宗崇配天地。此三聖皆侑之明準。其歲時常祀。則至日園丘。仲夏地祇。配以太祖。孟春祈穀。夏禱。祀冬祀神州。配以太宗。孟春感生。帝配以宣祖。季秋大饗。配以眞宗。伏請皆如禮便。陛下重宗祧之事。昭鑒前載。抑長虔恭。讓而不專。故令臣等得申愚管。謹用敷（案）。惟聖心裁覽。奉敷恭依。

景靈宮。皇武殿。揚州建隆寺。西京會聖宮。應天院。滁州天慶觀。南京鴻慶宮。奉安御容。后賀氏。父景思。右千牛衛率府率。晉開運初來歸。周顯德中。封會稽郡夫人。生燕王德昭。魏國魯國二

大長公主。顯德五年正月三日崩。建隆三年。追冊爲皇后。乾德二年。諡孝惠。陪葬安陵。（案）宋史。孝惠皇后。神宗時升祔太廟。此失載。

祔祭后廟。王氏。父饒。彰德軍節度使。周顯德五年來歸。六年。賜冠帔。封琅邪郡夫人。建隆元年八月。冊爲皇后。生皇子。皇女二人。皆早世。乾德元年十二月七日崩。諡孝明。陪葬安陵。祔祭后廟。太平興國二年。升祔太祖室。宋氏。父偓。左衛上將軍。邢國公。乾德六年。入宮爲皇后。太宗卽位。號開寶皇后。太平興國二年。居西宮。雍熙四年。移東宮。至道元年四月二十八日崩。翰林學士宋白議。慈愛忘勞。曰孝。溫克令儀。曰章。升祔太祖廟。（案）東都事略。開寶皇后。至神宗時。升祔太祖廟。此失載。